

釋

史

卷百四十八至百五十

繹史卷六十三

春秋第三十三

王臣亂亡

周公閱

左傳

文公

十四年春頃王崩周公閱與王孫蘇爭政故不赴凡崩

薨不赴則不書禍福不告亦不書懲不敬也周公將與王孫蘇訟于晉王叛王孫蘇而使尹氏與聃啓訟周公于晉趙宣子平王室而復之

召戴公 毛伯衛

左傳

宣公十五年

王孫蘇與召氏毛氏爭政使王子捷殺召戴公及

毛伯衛卒立召襄

公羊傳王札子者何長庶之號也

穀梁傳王札子者當上之辭也

志何也矯王命以殺之非忿怒相殺也故曰以王命殺也以王命殺則何志焉爲天下主者天也繼天者君也君之所存者命也爲人臣而侵其君之命而用之是不臣也爲人君而失其命

是不君也君不君臣不臣此天下之所以傾也

十六年

爲毛召之難故王室復亂王孫蘇奔晉

晉人復之冬晉侯使士會平王室定王享之原襄公相禮殺烝武子私問其故王聞之召武子曰季氏而弗聞乎王享有體薦宴有折俎公當享卿當宴王室之禮也武子歸而講求典禮以修晉國之法

國語晉侯使隨會聘於周定王饗之殺烝原公相禮范子私於原公曰吾聞王室之禮無毀折今此何禮也王見其語也召原公而問之原公以告王召士季曰子弗聞乎郊禘之事則有全烝王公立飫則有房烝親戚宴饗則有殺烝今女非它也而叔父使士季實來修舊德以獎王室唯是先王之宴禮欲以貽女余一人敢設飫禘焉忠非親禮而干舊職以亂前好且唯夫戎

翟則有體薦夫戎翟冒沒輕儻貪而不讓其血氣不治若禽獸
焉其適來班貢不俟聲香嘉味故坐諸門外而使舌人體委與
之女今我王室之一二兄弟以時相見將餽協典禮以示民訓
則無亦擇其柔嘉選其馨香潔其酒醴品其百籩修其簠簋奉
其犧象出其尊彝陳其鼎俎靜其中爨敬其祓除體解節折而
共飲食之於是乎有折俎加豆酬幣宴貨以示容合好胡有子
然其效戎翟也夫王公諸侯之有飮也將以講事成章建大德
昭大物也故立成禮烝而已飮以顯物宴以食好歲飮不倦時
宴不淫月會旬修日完不忘服物昭庸承飾顯明文章比象周
旋序順容貌有崇威儀有則五味實氣五色精心五聲昭德五
義紀宜飮食可饗餼同可觀財用可嘉則順而建德古之善禮

者將焉用全丞武子遂不敢對而退歸乃講聚三代之典禮於

是乎修執秩以為晉法

○有典有則
謨詰之遺

劉康公

左傳

文公十
七年

秋周甘歆敗戎于邠垂乘其飲酒也

成
元年春

晉侯使瑕嘉平武王單襄公如晉拜成劉康公徼戎將遂伐

之叔服曰背盟而欺大國此必敗背盟不祥欺大國不義神人

弗助將何以勝不聽遂伐茅戎三月癸未敗績于徐吾氏秋王

人來告敗

公羊傳執敢之蓋晉敗之或曰買戎敗之然則曷為不言晉敗之王者無敵莫敢當也
蒙誤也
不言戰莫之敢敵也為尊者諱敗不諱

敵尊尊親親之義也然則買戎之晉也○以買戎為晉恐未然

周公楚

左傳

成公十
一年

周公楚疋惡惠襄之偪也且與伯與爭政不勝怒而

山及陽樊王使劉子復之盟于鄆而入三日復出奔晉 十二

年春王使以周公之難來告書曰周公出奔晉凡自周無出周

公自出故也

公羊傳周公者何天子之三公也王者無外此其言出何自其私土而出也穀梁傳周有入無出其曰出上下一見之也言其上下之道無以存也上雖

失之下孰敢有之

上下皆失之矣

成肅公

左傳

十三年

公及諸侯朝王遂從劉康公成肅公會晉侯伐秦成

子受脤于社不敬劉子曰吾聞之民受天地之中以生所謂命

也是以有動作禮義威儀之則以定命也能者養之以福不能

者敗以取禍是故君子勤禮小人盡力勤禮莫如致敬盡力莫

如敦篤敬在養神篤在守業國之大事在祀與戎祀有執牒戎

有受脤神之大節也今成子惰棄其命矣其不反乎成肅公率

于瑕

公羊傳其言自京師何公鑿行也公鑿行奈何不敢過天子也穀梁傳公如京師不月月非如也非如而曰如不叛京師也言受命不敢叛周也

王叔陳生

左傳

襄公五年

王使王叔陳生愬戎于晉晉人執之士魴如京師言

王叔之貳於戎也

十年

王叔陳生與伯輿爭政王右伯輿王叔

陳生怒而出奔及河王復之殺史狡以說焉不入遂處之晉侯使士匄平王室王叔與伯輿訟焉王叔之宰與伯輿之大夫瑕禽坐獄於王庭士匄聽之王叔之宰曰簞門閨竇之人而皆陵其上其難爲上矣瑕禽曰昔平王東遷吾七姓從王牲用備且王賴之而賜之駢旄之盟曰世世無失職若簞門閨竇其能求東底乎且王何賴焉今自王叔之相也政以賄成而刑放於官之師旅不勝其富吾能無簞門閨竇乎唯大國圖之下而

直則何謂正矣范宣子曰天子所右寡君亦右之所左亦左之
使王叔氏與伯與合要王叔氏不能舉其契王叔奔晉不書
告也單靖公爲卿士以相王室

儋括

左傳

三十一年

初王儋季卒其子括將見王而歎單公子愆期爲靈

王御上過諸廷聞其歎而言曰烏乎必有此夫人以告王且曰
必殺之不憾而願大視躁而足高心在他矣不殺必害王曰童
子何知及靈王崩儋括欲立王子佞夫佞夫弗知戊子儋括圍
蕩逐成愆成愆奔平時五月癸巳尹言多劉毅單蔑甘過鞏成
殺佞夫括瑕廖奔晉書曰天王殺其弟佞夫罪在土也

穀梁傳傳一
諸侯且不首

惡況於天子乎君無忍親之義天子諸侯所親
者唯長子母弟耳天王殺其弟佞夫甚之也

單獻公 單成公

左傳

昭公七年

單獻公棄親用羈冬十月辛酉襄頭之族殺獻公而

立成公

十一年

單子會韓宣子于戚視下言徐叔向曰單子其

將死于朝有著定會有表衣有綳帶有結會朝之言必聞於表
著之位所以昭事序也視不過結綳之中所以道容貌也言以
命之容貌以明之失則有闕今單子爲王官伯而命事於會視
不登帶言不過步貌不道容而言不昭矣不道不共不昭不從
無守氣矣十二月單成公卒

原伯綏 甘悼公

傳

十二年

周原伯綏虐其與臣使曹逃冬十月壬申朔原與人

而立公子跪尋綏奔郊

甘簡公無子立其弟過過將去

成景之族成景之族賂劉獻公丙申殺甘悼公而立成公之孫
鮑丁酉殺獻太子之傅庚皮之子過殺瑕辛于市及宮嬖綽王
孫沒劉州鳩陰忌老陽子

鞏簡公

左傳

定公元年

周鞏簡公棄其子弟而好用遠人二年夏四月辛

酉鞏氏之羣子弟賊簡公

昔者厲王流彘周召共政號曰共和或曰共伯名和攝行天子事也其時王室昏亂大臣猶能和睦以安定國家宣王中興則有若甫侯若樊仲若召武方叔詩人美焉降而東遷天子慎選三公嘗兼冢宰猶遵先王之舊制故會盟出使必繫之宰重其任也王臣私交始於祭伯之來諸侯用王師始於

單伯之伐宋春秋謹而書之以記世道之變鄭號爲卿士廢
置在王樊皮之叛旋就執焉未有如匡定簡靈以後爭訟繁
興專殺相尋左史所記何若是紛紛也周公天子之三公也
召毛周室之世臣也自王孫蘇亂之一朝而尸二卿經曰王
札子傳曰蘇實使之春秋著兩下相殺之文明乎殺二臣者
在下不在上也嗣是以後單子甘輦皆相繼弗獲考死矣自
伯與亂之大臣不安其位怒而不反春秋惡其自絕書曰出
奔然而周公不繫之宰權號去矣卽尹劉之會諸侯無異於
晉六卿魯三桓也嗣是以後王叔原伯皆相繼而越在侯國
矣景王初立殺其弟佞夫僖拈之欲爲亂也佞夫弗知王之
翦之也亦甚亟矣至於暮年儲位不定用生子朝之亂日見

兄弟之戕害大臣之分爭也終乎春秋之世亂靡有止周室
尚可爲哉然則周之衰也不在諸侯之不睦而在大臣之不
和不在大臣之不和而在骨肉之相殘也春秋歷十有二王
而崩而不赴者三大臣之顯者十餘族而或奔或亡者九自
莊迄敬二百年而王子之亂者六總由王室之無政也春秋
之作閔魯兼以閔周也有以夫

釋史卷六十三

春秋第三十三

經史卷六十四 春秋第三十四

晉悼公復霸

國語晉孫談之子周適周事單襄公立無跛視無還聽無聳言
無遠言敬必及天言忠必及意言信必及身言仁必及人言義
必及利言知必及事言勇必及制言教必及辯言孝必及神言
思必及辭言讓必及敵晉國有憂未嘗不戚有慶未嘗不怡襄
公有疾召頃公而告之曰必善晉周將得晉國其行也文能文
則得天地天地所胙小而後國夫敬文之恭也忠文之實也信
文之孚也仁文之愛也義文之制也知文之與也勇文之帥也
教文之施也孝文之本也惠文之慈也讓文之材也象天能敬
帥意能忠思身能信愛人能仁利制能義事建能知帥義能勇

施辯能教昭神能孝慈能惠推敵能讓此十一者夫子皆有焉天六地五數之常也經之以天緯之以地經緯不爽文之象也文王質文故天胙之以天下夫子被之矣其昭穆又近可以得國且夫立無跛正也視無還端也聽無聳成也言無遠愼也夫正德之道也端德之信也成德之終也愼德之守也守終純固道正事信明令德矣愼成端正德之相也爲晉休戚不肯本也被文相德非國何取成公之歸也吾聞晉之筮之也遇乾之否曰配而不終君三出焉一旣往矣後之不知其次必此且吾聞之成公之生也其母夢神規其臀以墨曰使有晉國三而畀驪之孫故名之曰黑臀於今再矣襄公曰驪此其孫也而令德孝恭非此其誰且其夢曰必驪之孫實有晉國其卦曰必三取

君於周其德又可以君國三襲焉吾聞之大誓故曰朕夢協于朕卜襲于休祥戎商必克以三襲也晉仍無道而鮮冑其將失之矣必蚤善晉子其當之也頃公許諾及厲公之亂名周子而立之是爲悼公

左傳

成公十八年

使荀偃士魴逆周子于京師而立之生十四年矣

大夫逆于清原周子曰孤始願不及此雖及此豈非天乎抑人之求君使出命也立而不從將安用君二三子用我今日否亦今日共而從君神之所福也對曰羣臣之願也敢不唯命是聽庚午盟而入館于伯子同氏辛巳朝于武宮逐不臣者七人周子有兄而無慧不能辨菽麥故不可立二月乙酉朔晉悼公卽位于朝始命百官施舍已責逮鰥寡振廢滯匡乏困救災患

禁淫慝薄賦斂宥罪戾節器用時用民欲無犯時使魏相士魴
魏頡趙武爲卿苟家苟會樂壓韓無忌爲公族大夫使訓卿之
子弟共儉孝弟使士渥濁爲大傅使修范武子之法右行辛爲
司空使修士蔭之法弁糾御戎校正屬焉使訓諸御知義荀賓
爲右司士屬焉使訓勇力之士時使卿無共御立軍尉以攝之
祁奚爲中軍尉羊舌職佐之魏絳爲司馬張老爲候奄鐸遏寇
爲上軍尉籍偃爲之司馬使訓卒乘親以聽命程鄭爲乘馬御
六駟屬焉使訓羣駟知禮凡六官之長皆民譽也舉不失職官
不易方爵不踰德師不陵正旅不偪師民無謗言所以復霸也
國語既殺厲公欒武子使知武子弔恭子如周迎悼公庚午大
夫逆於清原公言於諸大夫曰孤始願不及此孤之及此天也